

近代中國史料叢刊續編第三十八輯
沈雲龍主編

岑襄勳公（毓英）遺集

岑春煊刻

首卷 卷一至卷五

文海出版社
有限公司
印行

近代中國史料叢刊續編 第三十八輯

目錄

岑襄勤公（毓英）遺集	首卷 卷一至卷五	……	岑春煊刻
岑襄勤公（毓英）遺集	卷六至卷十	……	岑春煊刻
岑襄勤公（毓英）遺集	卷十一至卷十五	……	岑春煊刻
岑襄勤公（毓英）遺集	卷十六至卷二十	……	岑春煊刻
岑襄勤公（毓英）遺集	卷廿一至卷廿五	……	岑春煊刻
岑襄勤公（毓英）遺集	卷廿六至卷三十	……	岑春煊刻
中法越南關係始末	……	……	邵循正撰
劉永福傳	……	……	李健兒撰
海外羈情（坵：澹園隨興）	……	……	黃杰著
日清戰史講授錄	……	……	譽田甚八著 軍學編譯處譯

來一會發
谷(韻貝
道目 藝

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



光緒二十三年刻於武昌督糧官署

岑襄勤公遺集首卷目錄

上諭一道

諭賜祭文一道

諭賜入祀京師賢良祠祭文一道

御製碑文一道

國史列傳

雲南巡撫報出缺疏

雲南巡撫臚陳勦蹟疏

貴州巡撫請建祠疏

廣西巡撫請建祠疏

神道碑

墓志銘

言身

首

光緒十五年六月初二日內閣奉

上諭雲貴總督岑毓英秉性公忠才識沈毅由諸生從事戎行咸豐同治年間雲南回匪倡亂兵事孔殷仰荷

先朝特達之知疊加拔擢代理雲南藩司旋即簡授巡撫當兵單饜紕之時激勵眾心出奇制勝克復省城肅清大理等府埽穴擒渠全滇底定厥功甚偉疊經賞給騎都尉並改爲一等輕車都尉世職朕御極後擢任雲貴總督整頓地方操練營伍均能實心任事光緒九年統兵出關卓著勞勩復加賞一雲騎尉世職該督久駐邊陲染瘴成疾上年查閱營伍途次觸發

舊病疊次賞假調理本年四月力疾銷假方冀醫治就痊長資倚畀遽聞溘逝軫惜殊深岑毓英著加恩晉贈太子太傅入祀賢良祠並於雲南省建立專祠生平政蹟事實宣付國史館立傳賞銀一千兩治喪由雲南藩庫給發照總督例賜卹任內一切處分悉予開復應得卹典該衙門查例具奏靈柩回籍時沿途地方官妥爲照料伊子山西卽用道岑春榮著遇有道員缺出請旨簡放候選同知岑春煦著以知府選用應升之缺升用前工部郎中岑春煊著以五品京堂候補監生岑春莫著俟服闋後由吏部帶領引見岑春蔭並伊孫岑德純均著俟及歲時帶領引見

用示篤念藎臣至意欽此

自來

首

諭賜祭文

朕惟執金提鼓一方資戡亂之功開府建牙萬里重
籌邊之寄良才難得正倚畀之優隆遺疏上聞忽老
成之彫謝爰頒奠醑以示哀榮爾原任雲貴總督岑
毓英沈毅有爲公忠卓著起家丞佐奮迹戎行早懷
投筆之思旋荷秉麾之任屬天方之日肆迺露布之
星馳率江東子弟之兵拯滇國人民之患唱籌以濟
飢軍無異乎飽騰傳檄而前驕將亦樂爲驅策更平
苗而奮武同埽穴以揜渠迅奏膚公疊膺心簡聿加
勇號載錫宮銜炎徼提戈歷大小之數百戰長城臥
鼓綏邊陲者二十年旣寇息而民安亦政成而吏肅

何意大星之隕實深朝露之悲於戲洱水蒼山緬豐
功而猶在椒漿桂醕招靈爽以如來懿此潔蠲庶其
歆享

諭賜入祀賢良祠祭文

朕惟明禋肇美詩歌妥侑之文定國宣勞禮重馨香
之祀蓋勒旂常而紀績旣顯示其褒揚而奠秬鬯以
流芳宜優加其崇報爾晉贈太子太傅原任雲貴總
督岑毓英沈深有識果毅多才始秩就乎一官繼符
分於六詔執干戈而賈勇大敵頻摧踐矢石以奏功
堅城屢拔口碑遍頌遠畱棠樹之陰心簡常邀游歷
薇垣之任恩承北闕吉羽加冠軍撫南邦高牙建闕
處饜紕兵單之勢展折衝禦侮之才復首郡而固皇
圖進雄師而誅窮寇蒼山峯險應知貔虎能踰溟海
波平頓使鯨鯢失恃餘氛滌盪大局肅清爰肇錫以

嘉名勇真不愧用特頒乎懋賞世可長延繼而色黯
萱幃愴深梓舍讀禮之期已畢服官之力猶強仗鉞
黔疆殊施渥受移幢闕嶠重寄疊膺迨全滇總制之
時正荒服紛爭之會金戈所向卒成交阨之功銅柱
未標竟染壺頭之瘴俾養痾而給假冀勿藥以占爻
胡乃虎幄淒涼僅賸運籌之偉畧蜺旌黯澹空餘擁
節之威聲緬懷柱石之資宮銜特晉用厚賢良之報
廟食攸隆於戲懋典聿昭存沒之哀榮具備精禋用
肅春秋之芬苾常歆爾靈有知尙其來格

御製碑文

朕惟經文緯武巖疆資戡亂之才刻石銘金朝廟重
酬庸之典生則倚爲嶽瀆歿猶感乎星辰爰賁絲綸
用光琬玉爾原任雲貴總督岑毓英性情果勇才識
沈雄遠衍派於棘陽早蜚聲於黌序得充國籌邊之
略奮班超投筆之思殺賊以衛鄉閭轉饒而充軍實
始官丞佐洊綰藩條節鉞誕膺滇黔用撫徙入閩而
回翔兩載鎮六詔而坐領兼圻受

先朝特達之知作兩世中興之佐揆其成績厥有武功當
夫回寇亂常疆臣失馭張燈元夜潛生衷甲之謀挺
刃節樓遽見裹尸之慘幾全城之盡覆無一旅以相

持維爾孤忠力支危局誓滅么麼之眾重勞子弟之
兵飛書而召外援開壁而示內定妖氛迅掃行省重
安泊大理之陸沈正中原之雲擾鞭長莫及久紆廊
廟之籌霆震而前遂奪潢池之氣孤軍深入大敵頻
摧黑水斫營朱波攻隘鄧士載緣崖攀木險徑潛趨
檀道濟唱籌量沙敵人驚遁水鯨風動羌助戰於昆
明火牛電馳等解圍於卽墨聿宣武節屢下堅城九
攻而魁黨離心三捷而賊酋授首肅滇疆以底定紆
魏闕之憂懸嘉乃壯猶膺茲懋賞中黃榮夫賜服孔
翠耀以垂冠世職三加宮銜兩晉錫赴桓之勇號名
紀丹毫睠颯爽之英姿恩隆紫展屬有邊事深藉老

謀畫甌脫而定疆開關門而互市機宜默運鞏南徼
之屏藩威望兼資勝北門之鎖鑰方山郵之閱伍鼓
角周臨何煙瘴之中人壺頭重困忽披遺疏彌愴中
懷贈太傅則優予崇銜列賢良而並隆秩祀專祠許
建慰遺愛於邊人佳傳特詳錄成勞於國史擢爾弟
而陳臬甄諸子以及孫兆域待營帑金載賚綜生平
之勳業賜嘉諡曰襄勤禮備飾終榮加製誄於戲蠻
疆萬里應多墮淚之碑華表千年視此銘功之石欽
承休命勿替後昆

官考

六

首

國史列傳

岑毓英廣西西林人咸豐初年由附生在本籍辦團出力保縣丞六年帶勇入雲南投效迤西軍營助剿七年覆趙州紅巖賊巢

賞戴藍翎九年克宜良縣斬逆首馬鴻先奉委署宜良縣事保以知縣畱滇補用加知州銜十年正月丁祖母憂總督張亮基奏畱毓英帶練攻剿請俟軍務稍靖回籍守制得

旨準其畱滇差委不準仍畱署任七月偕參將何自清克路南州兼署州事巡撫徐之銘疏言毓英上年委署宜良本年兼署路南實係甫經克復人心未定

首
是以委令兼署仍懇

恩準暫留署任

允之十月敘功以同知直隸州用加運同銜十二月兼署
澂江府知府十一年正月勦毀澂江諸賊壘五月
破昆陽海口賊嗣迤西回逆杜文秀之黨連陷楚
雄廣通祿豐等城省垣戒嚴毓英帶勇入援同治
元年正月破賊大樹營時張亮基引疾去徐之銘
決意主撫回酋馬如龍自陳迫於仇殺實無反意
願率眾就撫毓英奉檄往諭之暢陳順逆馬如龍
俯首聽命獻所踞新興等八城三月

上從徐之銘請敕毓英暫行代理雲南布政使其秋以辦

理安撫著有成效

賞加按察使銜並換花翎二年正月同弁馬榮叛戍署總
督潘鐸及府縣各官毓英所部僅粵勇千餘人與
弟毓祥毓寶毓琦力保藩署及城東南隅瀝血誓
眾全家與城爲存亡眾亦感憤誓死相從毓英隻
身入招靈觀陽與賊渠約和令勿擾閭閻密馳書
責馬如龍以大義趣赴援於是內外夾擊殲賊罄
盡誅逆酋李俊馬榮僅以身免走南甯合馬聯陞
據曲靖八屬二月升道員省垣既定統師西征疊
復富民安甯羅次嵩明祿豐武定祿勸廣通陸涼
南安各城及黑元永三鹽井進擣楚雄四月東路

有警徐之銘檄令抽帶親軍旋省東征尋克霑益
平彝仍西上督攻楚雄十月復其城並克大姚十
二月疊克雲南縣趙州賓川鄧川浪穹鶴慶分道
進規大理上下關三年正月克定遠圍攻鎮南州
大破援賊於普溯二月馬聯陞復陷霑益犯馬龍
州東路請援急乃雷副將李維述守楚雄率師東
下七月大破馬聯陞於天生關進攻曲靖八月復
馬龍霑益進圍尋甸

上諭雲貴總督勞崇光曰岑毓英以忠義自許數月之中
克堅城十數尙書趙光奏滇省情形並將該省紳耆士
庶公啟呈覽內稱岑毓英勉圖上進亟應優加獎敘曾

諭令先將攻克楚雄等府廳縣出力情形奏候施恩著
趕緊查明據實保奏並著傳諭岑毓英令其鼓勵兵勇
妥速進剿剋日攻拔大理殄除杜文秀用膺懋賞九月
克尋甸擒斬逆回馬榮馬興才十月曲靖回目馬
文升等降擒馬聯陞誅之迤東肅清四年二月奏
入

優詔嘉尚

賞加布政使銜並勉勇巴圖魯名號自毓英移軍東指西
路兵單已克各城多不守獨楚雄孤扼賊衝而已
毓英以西賊猝難殄滅宜於東南先立不拔之基
曲靖爲迤東門戶省垣糧運所出督兵駐之五年

正月

命署理雲南布政使時總督勞崇光入滇毓英謁諸平彝具陳軍情賊勢請崇光坐鎮省垣漸收旁落之權以維根本用兵則先東後西庶免牽掣而收全功勞崇光深然之疏請以署提督馬如龍專辦西路以毓英督勦黔境豬拱箐海馬姑賊得

旨報可豬拱箐隸貴州威甯州境與海馬姑相倚角山谿阻深逆苗陶新春陶三春分據之糾聚苗教各匪及髮逆石達開餘黨凡十數萬疊擾滇之鎮雄彝良大關昭通黔之大定黔西威甯畢節及四川邊界川楚黔軍會勦久無功毓英條上機宜謂權不

一則軍不用命願率滇軍獨任此役限百二十日
擣其巢勞崇光與四川總督駱秉章皆壯之會巡
撫林鴻年招降鎮雄州匪首李開甲漆維新等復
叛踞州城擾彝良連營數百里勞崇光令毓英先
往勦之三月毓英率五千人轉戰而前連破堅壘
數百克鎮雄二賊伏誅是月

詔授池南道署布政使如故時有

旨令新授雲南巡撫劉嶽昭會勦豬拱箐賊嶽昭疏稱毓
英智勇兼優實心任事請專責以一事權必可迅
奏膚公

允之六年正月升授布政使二月師次豬拱箐築壘休士

卒日遣間謀偵賊形勢陶三春陶新春之倡亂也
先踞海馬姑紅巖尖山壁立斗絕大河帶其前鳥
道攀援僅容一夫賊呼爲鐵桶江山嘯聚日眾山
隘不能容陶新春復分踞豬拱箐界三省之交入
山環合三面嶄然惟青松梁一面可往來三泉下
注匯山麓爲河賊巢分踞山險山下沃壤曰吳家
屯廣七十餘里賊糧資焉有閒道可達海馬姑外
有二龍關大鴉口小鴉口三隘爲門戶備甚嚴惟
一隘曰大溜口徑尤險僻賊防稍懈毓英密遣游
擊張保和等夜率二千人由大溜口出二龍關後
掩襲吳家屯自督三千人攻關黎明賊傾巢出犯

戰方酣關後礮發賊回救毓英麾軍夾擊連破三隘及吳家屯擒斬數千援賊之自海馬姑來者毓英親截擊之斬其渠餘黨反奔派部將蔡標劉重慶分一軍圍剿海馬姑克紅巖尖山賊援乃絕大軍直逼豬拱箐老巢陣斬賊目楊大仁等五十餘級賊伐巨石斲爲輪鑿其中貫以硝磺松脂引火於蒂乘夜自山頂下發驅牛馬隨之衝毀我營二十餘座將士多死傷毓英督親軍迎剿手斬悍酋賊始卻次日填紮舊營徧掘深坑賊發石如前乃盡陷坑中毓英偵賊黨多裸人裸目有來降者毓英具酒食厚待之裸感而言曰賊每一弓地守一

人家東南者守西北家西北者守東南互爲牽制
莫敢二心日惟卯酉二時然礮爲號畱一人守十
弓地餘各歸食斯時奮擊必破毓英用其策選敢
死士二千人親率之昧爽填濠猛進連破木城二
重賊殊死鬪毓英身先士卒直擣中堅縱火掩殺
賊披靡斬首二萬餘級擒逆首陶新春及僞天將
僞軍師等凌遲處死散脅從拔出男婦四萬餘人
豬拱箐勦洗一清遂督勝軍合勦海馬姑以一軍
攻後山中路令守備楊玉科等軍伏前山小路賊
傾巢自後山來拒玉科等抄出奪新結賊營三十
餘座馘二千餘級進攻老巢以噴筒環燒賊柵賊

聞

驚潰盡毀其壘擒斬焚溺不可勝計餘匪竄山頂
夜乘大雷雨鼓譟接勦賊投巖墜澗死相枕藉擒
陶三春及悍酋二百餘人皆斬之自進兵以至蕩
平於百二十日限僅逾四日也捷

賞頭品頂帶先是署提督馬如龍西征逆回杜文秀屢失

利總督勞崇光病故杜文秀傾巢下竄眾數十萬
連陷二十餘城省城戒嚴毓英先撥一軍添助省
防十二月自豬拱箐凱旋曲靖整頓士馬七年二
月兼程援省揚言師出陸涼而取道宜良七甸沿
路破賊營數十座進軍大樹營連絡省城通糧道

賊乘新營未定盡力攻撲官軍血戰數日頗損精銳卒以計擊卻之昆陽逆首楊振鵬夜渡昆明池襲省城毓英飭同知岑毓寶敗之九甲河口蹙諸海邊奪其船斬溺無算楊逆被創遁時僞大司寇李芳園等圍攻楊林楊林當省東驛道拊官軍之背毓英疾擊之縱火燬其木壘密授諸將策破賊連營六礮樓三毓英鼻受槍子傷督攻益急卒解其圍

溫旨嘉勉回軍省城破石虎關生擒僞大將軍李洪勳等殲之賊勢稍蹙三月授巡撫時附省賊壘猶繁深溝重濠間以礮樓礮臺抵死拒官軍相持久互有

利鈍新授總督劉嶽昭由馬龍進剿尋旬屢失利賊勢復熾十二月毓英遣將援剿馬龍回顧曲靖以杜逆竊踞迤西十三載根深蒂固未易殄滅不能不徵兵籌餉通盤籌畫議上章程八條疏言一選定兵勇數目以備戰守也查杜逆竊踞西南縱橫各數千里若止由一路進剿逆匪併力抗拒恐難成功必一路由迤南進牽其威緬雲蒙之賊一路由三姚永北進斷其鶴麗鄧浪之援大軍由楚雄鎮南直搗中堅使該逆面面受敵庶易得手但該逆增壘設險防守甚嚴克復一城動須數月既克之後不乘勝進攻則坐失機會不稍資休息又

三
首
三
恐師老變生臣擬三路進兵須選兵勇六萬分爲
兩班更番戰守旣無停兵之時亦免師老之患而
池東開廣土匪東路蠻患如遇竊發亦可以守兵
隨時撲滅不致有內顧之虞一兵勇無須外募也
查用兵必因地利當日川楚之役

仁宗睿皇帝以爲他省兵勇人地不習目前則多報銷事
後則易聚難散不如團集本地鄉勇事半功倍

聖謨廣運炳照無遺又本年七月二十五日欽奉

諭旨馬恩溥所奏請簡派良將一二員統帶勁旅一二萬
人入滇助勦等語雲南距直東較遠移師往勦情形未
必相宜如該省亟須籌添兵勇著劉嶽昭等卽就近添